

**UGOVOR O NABAVCI SISTEMSKIH JEDINICA SA FOTOREGISTRACIJOM  
ZA MJERENJE BRZINE I PROLASKA KROZ CRVENO SVJETLO**

**„MIBO KOMUNIKACIJE“ d.o.o Sarajevo, ulica Tvornička 3, koga zastupa direktor  
Marko Boštjančić, dipl. Iur. (u daljem tekstu Prodavac)**

**MUP KANTONA SARAJEVO, ulica La Benevolencija broj 16, koga zastupa ministar  
Vedran Mulabdić (u daljem tekstu Kupac)**

**PREDMET UGOVORA**

**Član 1.**

Predmet ugovora je Nabavka sistemskih jedinica sa fotoregistracijom za mjerenje brzine i prolaska kroz crveno svjetlo za potrebe Uprave policije Ministarstva unutrašnjih poslova Kantona Sarajevo, putem otvorenog postupka i objavljivanja obavještenja o nabavci broj 1364-1-1-131-3-128/16 od 06.12.2016. godine, a na osnovu Odluke broj 01-469/16 od 27.12.2016. godine.

Ponuda Prodavca broj 1835/16 od 21.12.2016. godine sastavni je dio ovog ugovora.

**CIJENA**

**Član 2.**

Ukupna cijena tri (3) sistemske jedinice sa fotoregistracijom za mjerenje brzine i prolaska kroz crveno svjetlo iznosi 290.628,00 KM sa PDV-om.

**NAČIN PLAĆANJA**

**Član 3.**

Kupac se obavezuje platiti avans 10 % od ugovorenog iznosa u roku od 30 dana po ispostavljenoj avansnoj fakturi uz prethodno pribavljenu bankarsku garanciju za avans, i 90 % od vrijednosti ugovora po ispostavljenoj fakturi za isporučenu robu najkasnije u roku od 30 (trideset) dana od dana ispostavljanja fakture.

**GARANCIJA**

**Član 4.**

Garantni rok je 12 (dvanaest) mjeseci od dana puštanja u rad isporučene opreme i ispostavljanja fakture.

Prodavac se obavezuje da po potrebi Ugovornog organa obezbijedi originalne rezervne dijelove i servisiranje koje pokriva garancija u toku trajanja garantnog perioda.

Ova obaveza Prodavca se ne odnosi na kvarove koji nastaju kao posljedica nestručnog rukovanja i više sile.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

## **ROK ISPORUKE**

### **Član 5.**

Rok isporuke je 120 (stotinudvadeset) od dana stupanja na snagu ovog Ugovora. Prodavac se obavezuje da kompletnu uslugu instalacije izvrši po sistemu ključ u ruke, za tri lokacije instalacije radarskih sistema. Sve troškove isporuke do primopredaje, kao i troškove reklamacije snosi Ponuđač. Prodavac se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene nabavke iz člana 1. i 2. ovog Ugovora.

### **Član 6.**

Kašnjenje u realizaciji ovog Ugovora povlači obračun ugovorne kazne u visini od 1 % od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10 % vrijednosti ovog Ugovora.

Prodavac je u smislu osiguranja izvršenja obaveza po ovom Ugovoru, obavezan Kupcu dostaviti bezuslovnu bankarsku garanciju za dobro izvršenje posla u iznosu 10% od ukupne vrijednosti Ugovora, sa rokom važnosti garancije: ugovorene obaveze + 30 dana.

Prodavac će garanciju iz prethodnog stava dostaviti u roku od 10 dana od dana zaključenja ovog Ugovora

## **RJEŠAVANJE SPOROVA**

### **Član 7.**

Ugovorne strane su saglasne da sva eventualno sporna pitanja rješavaju sporazumno, štiteći obostrane interese.

U slučaju nemogućnosti zajedničkog rješenja eventualno nastalog spora, Ugovorne strane priznaju nadležnost suda u Sarajevu.


ZAVRŠNE ODREDBE



Član 8.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Ugovor stupa na snagu danom potpisivanja ovlaštenih predstavnika i traje do konačne realizacije.

  
**PRODAVAC**  
**MIBO KOMUNIKACIJE D.O.O.**  
**SARAJEVO**

  
direktor Marko Boštjančić, dipl. Iur.

  
**KUPAC**  
**MUP KANTON SARAJEVO**  
  
minister, Vedran Mulabdić

Broj : 319-16

Datum: 30.12.2016. godine

Broj : 01-469-3/16

Datum: 30.12.2016. godine